

Russell George AS

Cadeirydd y Pwyllgor Iechyd a Gofal Cymdeithasol

9 Tachwedd 2021

Annwyl Russell

**Y Deyrnas Unedig/Swistir: Confensiwn ar gydgysylltu nawdd cymdeithasol**

Fel y gwyddoch, y Pwyllgor Deddfwriaeth, Cyfiawnder a'r Cyfansoddiad sy'n gyfrifol am graffu ar gytundebau rhyngwladol nad ydynt yn ymwneud â masnach yn y Chweched Senedd, yn ogystal â monitro'r cytundebau hyn.

Yn ein cyfarfod ar 1 Tachwedd 2021, gwnaethom drafod y cytundeb a ganlyn: Y Deyrnas Unedig/Swistir: Confensiwn ar gydgysylltu nawdd cymdeithasol.

Mae'r cytundeb hwn yn sefydlu trefniadau newydd rhwng y DU a'r Swistir i gydgysylltu nawdd cymdeithasol ar ôl Brexit mewn perthynas â rhai budd-daliadau, gan gynnwys mynediad at ofal iechyd cilyddol.

Yn ystod ein trafodaethau, gwnaethom gytuno i ddwyn sylw'r Pwyllgor Iechyd a Gofal Cymdeithasol at y cytundeb hwn, yng ngoleuni effaith y trefniadau gofal iechyd rhwng y DU a'r Swistir mewn meysydd datganoledig.

Yn gywir,



Huw Irranca-Davies

Cadeirydd

